

AHAD • 29.04.2018

sukan@utusan.com.my

# SUKAN



LIGA SUPER

KEPUTUSAN

KELANTAN	1	JDT	2
PAHANG	2	MELAKA UTD	0
SELANGOR	2	N. SEMBILAN	1



LIGA PERDANA

KEPUTUSAN

UKM	3	MIFA	3
P. PINANG	2	SABAH	1

Jun Hoong, Pandelega hadiahkan emas pertama Malaysia Siri Terjun Dunia

# Sejarah terpahat lagi

Oleh **FADHILUL IZMEL ISHAK**  
sukan@utusan.com.my

■ KUALA LUMPUR 28 APRIL

**K**EPERCAYAAN tinggi antara satu sama lain menjadi kunci buat Cheong Jun Hoong dan Pandelega Rinong memahat sejarah merangkul pingat emas 10 meter platform seiring wanita dalam Siri Terjun Dunia di Montreal, Kanada hari ini.

Jun Hoong-Pandelega muncul penerjun pertama negara memenangi gelaran dalam Siri Terjun Dunia dengan melakar kejutan terbesar pada pusingan ketiga saingan.

Lebih manis lagi, kejayaan hadir hanya dua minggu selepas mereka merangkul pingat emas acara yang sama dalam Sukan Komanwel di Gold Coast.

Memenangi emas dalam Siri Dunia adalah jauh lebih sukar berbanding Sukan Komanwel kerana hanya lapan pasangan terbaik dunia layak bertanding sejak kejohanan diperkenalkan pada 2007, malah ia turut menampilkan penerjun handalan China.

“Sejak 2010, ini adalah emas pertama saya dalam kejohanan Siri Dunia.

“Saya amat bersyukur, dan apa yang membuatkan kami berada pada kedudukan hari ini adalah kerana kami dipercayai antara satu sama lain,” kata Pandelega yang di-

petik dalam laman web rasmi Persatuan Renang Antarabangsa (FINA).

Gandingan Jun Hoong-Pandelega berdepan saingan sengit daripada pencabar mereka sebelum dinobatkan sebagai juara dengan mengumpul 322.74 mata daripada lima terjunan.

Pasangan Korea Utara, Kim Mi Rae-Kim Kuk Hyang membawa pulang perak selepas mengutip 321.90 mata, manakala gangsa menjadi milik China, Si Yajie-Lin Shan dengan 320.82 mata.

“Terima kasih kepada jurulatih Zhang Yukun kerana meningkatkan keyakinan kami,” kata Pandelega lagi.

Jun Hoong-Pandelega sebelum ini turut meraih perak dalam pusingan pertama di Beijing, sebelum memenangi gangsa di Fuji, Jepun bulan lalu.

Siri Terjun Dunia menampilkan tiga empat pusingan dengan pusingan terakhir akan berlangsung di Kazan, Rusia dari 4-6 Mei ini.

Jun Hoong, 28, yang juga juara dunia 10m platform wanita akan turun dalam saingan individu bersama Pandelega, 25, pada awal pagi Isnin waktu Malaysia.

## PENCAPAIAN

### 2016

› Pingat Perak Sukan Olimpik Rio.

### 2017

› Pingat Gangsa Kejohanan Akuatik Dunia.

### 2018

› Pingat Emas Pusingan Ketiga Siri Terjun Dunia.

› Pingat Emas Sukan Komanwel & Pingat Perak Pusingan Pertama Siri Terjun Dunia.

› Pingat Gangsa Pusingan Kedua Siri Terjun Dunia.

